

# SPUI UNS AN ROCK'N'ROLL

*Musik & Text: Titus Vollmer Sr., Oscar Kraus*

I bin der Günther Sigl von der Spider Murphy Gang,  
vielleicht habt's uns irgendwo a scho moi aufspuin gseng.  
A im Fernseh'n san mia oft weil mia san sehr bekannt,  
in Hamburg und Berlin und a im Alpenland.

Neili hod mi moi a oida Freind dahoam besucht  
und er hod gsogt: „Günther, Du I hätt a gloans Gesuch.  
Mogsd ned amoi in da Schui wos gscheids vazäin,  
weil du bist doch so erfah'n und hast scho so vui gseng.“

Und dann bin i hoid in'd Schui, jezd steh I vor da Klass',  
und I werd um d' Nosn scho ganz weiß und bin recht blass.  
Ganz egal wos I sog, de san ned intressiert,  
weil wos de wiaklich hean woin des hob I glei kapiat.

Spui uns an Rock'n'Roll, Günther, ... was von da Spider Murphy Gang

Ja da Lehra sogt: „Herr Sigl, mia ham Sie eiglodn,  
damit Sie uns wos üba Disziplin sogn  
und dass ma imma pünktlich sei muass und fleißig in da Schui  
und guade Notn braucht wenn ma was werd'n wui.“

I stotta rum und I woß gar nimma was soi I do,  
I denk am besten ruaf I jezd an Barny o.  
Der sogt: „Günther, koa Problem, I kimm glei vorbei  
und vielleicht is gscheid I pack a de Gidar no ei.“

Und jezd steh ma do mia zwoa und da Lehra schaut no strenger  
und unsre beidn Gsichter, ja de werd'n immer länger.  
Nur die Kinder wissen ganz genau jezd woins wos hean  
und scho fangt de ganze Klass' o zum blär'n.

Spui uns an Rock'n'Roll Günther, ... was von da Spider Murphy Gang.  
Spui uns an Rock'n'Roll, Günther, ... mia woin an Barny hean.

Da Lehrer hod jezd gnua und er flippt voi aus  
und sei Wuad werd no verstärkt durch den tosenden Applaus.  
Er sagt: „Des is a Unverschämtheit und a Meuterei!“  
Aba mia san jezd in Fahrt und haun erst richtig nei...

Und spuin an Rock'n'Roll, Kinder, mia spuin an Rock'n'Roll Kinder, ... woits ned no mehra hean?

Spui uns an Rock'n'Roll, Günther, ...mia woin no mehra hean!  
I spui an Rock'n'Roll, Kinder, ...  
ihr woits koan Lehra hean!  
mia woin koan Lehra hean!.

